

衢州文獻集成

「史部」

第
55
冊

衢州文獻集成

黃靈庚 諸葛慧艷

主編

〔史部〕

第
55
冊

國家圖書館出版社

第五五冊目錄

〔康熙〕常山縣志十五卷

（清）楊滌纂修
清康熙二十二年（1683）修抄本

.....

常山縣志序

有司之任莫不有志吾常舊志乃知縣李
慎之與高晉清簡樊公瑩所共修者自成
化三十二年迄今一百二十有餘年矣且無
續本復覩者稀臨川竹所傳侯甫下車即
有誌于是舉也乃既奏最始用見屬重之
也某固素奉命承教者故不復以不敏辭
而承之始事於仲春壬午五閱月而訖

工蕪者芟之逸者登之陋者飭之訛者正
之而綴葺其歲月之所曠闕者且凡建都
立邑者幅輳廣袤有大小之差焉故先表
輿地地有山川猶人身氣脉之有骨血也
故以山川次之四隩既定則經營興焉故
次之以建置裁道輔能必資於政教故次
之以職官居官守職莫先於輕徭薄賦故
次之以賦役既富斯教必興宜以五禮故

次之以禮秩雖以禮讓爲國然無仁賢則
虛故次之以選舉物情不齊曲成有道故
以雜紀終焉總十五卷將授梓當叙言予
其首予惟主志者之難有三政有體要非
治定功成未暇於稽古右文一也懷廠者
畏索匿瑕者忌摘故必綜理密察顯設精
白然後肆筆矢口無所顧慮二也方人者
必自正己始惟衡鑑素空且平斯品騰當

而人心服三也。今傳侯政教成而神人和
文質交修。上下咸格於此。蓋優爲之。是以
能舉百年之曠典無數也。而秉筆之三難
萊則安能毋惑乎其惴惴懼不得當也。日
月稀疏。曠聞睹未真。事情變更。論議雜一苟
諮諏弗周。搜剔未盡。則巧詐易蒙。節蔽莫
撤。其難在博一也。必辯晰精詳。輔藻麗
標。獨惡於衆好。灼心是於跡。非紆徐者。旣

足以紆委曲之情峻急者又足以矯亢直
之氣其難在雅二也直道以行公已以議
抗上品於寒門託微譏於隆位葶葭之親
昵者遠弓冶之赫奕者斥弗以盜憎而縮
其舌弗以悖入而回其鋒其難在公三也
此固皆非迂愚者之所能及也其或庶幾
萬一者唯公乎是以當恂恂之地而敢肆
焉便便者責所在也既公矣則雖所該未

博而既及者不敢濫加廣焉則博矣所飭
未雅而既錄者不敢虛加文焉則雅矣是
亦無害於博雅也雖然迂愚者安能自知
唯覽者詳定其功罪焉是為序

萬曆十三年歲乙酉季夏望日

賜進士第奉政大夫湖廣按察司僉事邑人

乾川詹萊書

修志叙

予以萬曆九年恭舉

明命補乏常令筮仕之初信哉古謂俚人暗
室也欲得縣志而觀之于以知山川險易
測戶口虛實晰情俗向背識制度因草辨
祀秩邪正度賦役繁簡考人才盛衰公私
求之不可得久始得一錄本乃成化三年
前令李君溥與鄉先生大司寇樊公瑩所

共修者也顧未甚明備又年月已稀曠矣
予大有意乎釐正羅算之第在初政無論
其奔走送迎搜滌逋負也不數月而清丈
浮糧之撤下常固舊有浮糧前令張君克
文清之甫一紀爾實徵畝數反短於舊額
四分之一而縮咎不在令乃在常之戶口
消耗因而荒蕪瀰漫致然爾予因人口之
不理乃竭力窮日夜躬履畝丘寸量而尺

度之纔克減其八分之一則知真非渠咎也。踰歲事甫畢而澤水至，墊溺饑饉可慘。予請發倉粟五千石有餘賑救之，民始賴以無玷於逃死。是歲又適丁十年大造黃冊之期，予為審實貧富均食里甲亦戶口一大料理也已而出入。

朝宗者踰半載於道路，又值旱荒賑之如賑水，且當數年勛勩時，予思今當文明盛時。

浙又人才淵藪作養學校不可以後於他
郡邑汲汲乎教無政舉爰與學博王君尚
廉等進諸人士而提撕磋磨之會文輔仁
彬彬興業於是鄉舉者數人會舉者又數
人較之於舊似大躋於觀美乃在予身則
實嗣股肱焦心思日不暇給真未逮乎稽
古右文之舉也幸而考叙職守執冊籍具
院司諸大人諸大人謬蒙許與曰汝於人民

也宜不必部考吾為汝保留焉其歸撫綏
此疲癯也予然後少得休暇知其為修志
嘉會矣是歲春仲筮日時篚玄黃就鄉先
生憲僉詹公萊而謀之公懸車二十有餘
年練習民瘼且知予之積思於是舉也慨
然設局編摩之凡舊志之所當釐正羅葺
者爛然具列無遺漉於予初心之所欲知
者一搜閱瞭悉矣以季夏末旬殺青授梓

予竊喜曠典之得成也且又因得自考鏡
警省焉曰後之視今亦猶今之視昔三數
年間其不自知而有戾於從違之規誨者
多矣因是以益篤其素所精白改其錯履
匡輔其智慮所未逮則有大益於修己之
敬也寧獨方人而已哉是為叙

明萬曆十有三年歲乙酉孟秋既望知常

山縣事臨川行所傳良言以德南書

重刻縣志引

常山據浙上游水陸交衝土瘠賦重疲敝
甲海內丙申秋予適承乏積弛之餘牘紛
絲糾弊叢蜂房村冷爨烟墅滋豐草思得
邑志一觀庶幾暗室之炬而鏤板散失悵
然懷之初政旁午時復多事出入戴星猶
恐不給即囑序重地棟宇傾圯講席久墟
何以敷教因捐俸締造一土一木勿令擾

民斯廣勵所宜先者邑有官壩蓄洩所關
登耗分焉群興修築隨相厥攸宜率先捐
助衆遂欣躍集事亦便民曠舉也時以郡
城增築各屬分難課督邑雖高隴平例難差
池城五之一皆常民血力也城三甫竣取道
江山之戍兵遙派脚力夫以千計費復三
之非惟止供也迫於軍興竭蹶應之而始
即安所謂民亦勞止訖可小康即承隙為